

登恩春暉

楊制道專

人生期頤，是古今難得的上壽，慈母李太夫人去歲適逢九秩晉九遐齡，親友正集議於今春慶賀百齡華誕，詎意慟於六月六日仙逝於臺北寄寓。道專不孝，侍奉無狀，百身莫贖，茲追述先慈生平二三事，稍抒悲懷。


(一) 自強不息

先慈爲長女，自幼失恃，養成獨立自主，親力親爲的個性，從不願事假手於人。所著衣服，多爲親手縫製，極爲精美，並妥爲收存，經歷數十年，迄今仍如新者。暇時每以鍼黹自娛，雖年臻九十，仍樂此不疲。外出時，必於行前梳洗，穿著整齊，從未以蓬首垢面，見示於人。閒時閱讀報章，遇有不可解之事，如『紅衛兵』，『四人幫』等怪異，前所未聞之辭句，卽囑家人詳加解釋，藉明所以。每值國內外有重要時事新聞，如美國總統就職等節目，輒於前晚手示道專爲其撥妥電視頻道，俾便屆時收看

(二) 無欲無求

吾家原籍廣東省南海縣，先君敬安公自束髮受書，富於遠識，論政每獨機先，恆以國事爲己任。歲次己酉，以最優等卒業於湖北武昌方言學堂，爛通法語而長於財政經濟之學。由先烈朱執信等介紹加入同盟會，推翻帝制，癸丑二次革命，先君於婚後卽赴京津擔任秘密工作，爲袁世凱偵邏，遂於民三年北走黑龍江，任黑河徵收局局長，佐理國稅。田賦改徵銀款一案，年增國稅三百餘萬元，爲黑省前所未有的，自是理財有能聲。

先慈經手銀元，常以萬計，而公私賬目，毫厘分明，所謂非份之財，一介勿取。每云：「無欲則富，無求最貴。」主持家計時，事必躬親，決不願求助於人，壽登耄耋，亦復如是。近年道專每旅赴國外前，除日用外，另留奉備用現金，以供老人不時之需；事後凡有支用，均詳列清單記載。卽其購買日常所需，亦分別以便條寫明，交看護人員代辦，習以爲常。今日重睹手跡，不禁潸然淚下。



(三) 儉樸持家

先慈每以『敬衣得衣新，敬食免求人』，爲子孫之訓。子媳每奉甘旨，則妥爲收藏，留待食時大家同食，人各有份。常曰：『分甘同食，獨食難肥』。愛惜物力，尤以浪費爲戒。『衣食當思來處不易，勿以善小而爲』，此皆淳淳教誨之箴言也。道專雖爲先慈之獨子，七十年來，如偶

有過失，必予責罵，從未因而稍假辭色。道專幼時，每有嚴母慈父之感。戰亂頻仍，歷經憂患而幸免隕越，皆由於先慈之訓誨也。

(四) 為善最樂

先慈信仰佛教，篤信禪理，恤老憐貧，以廣義愛人為訓。報章偶載窮苦無依，病痛不幸之人、事，則節省個人日用，送往救濟，且匿名不使人知。常曰：『君子周急不濟富；雪中送炭，為善最樂』。生平最怕虧負友戚人情，待人處世以真誠厚道為本，常助人於困難之際，引以為慰。近年目睹時艱，尤以大陸苦難同胞為念，痛恨彼等當政者貪污與無能。常述及七十年前，居住黑河時所見來自山東、直隸（今河北省）等地移居東三省墾荒鄉民的各種苦難情節，訓示子孫勤勉奮發，努力上進，以為世用。

(五) 養生有道

先慈平日起居有序，守禮守時，慎保康健，俾免兒媳擔憂。愛好平劇，於北平觀賞梅蘭芳、程硯秋等四大名旦，滬濱張君秋、言慧珠，以及在臺北永樂劇場之顧正秋、張正芬等演唱各齣拿手好戲，娓娓道來，津津有味。在高雄時，雖年近八旬，仍經常獨自出外觀看電影消遣，廿年前風行之『梁山伯與祝英台』一劇在高雄上映時，日輒連看數場不倦，共達五六十場之多，常與隣里在茶餘飯後，笑談此事，引以為樂。每逢外出，如須兒孫輩陪同，均於約定時間，準時衣著整齊，從不令人等候。

先慈身體素健，年逾九旬，行動仍可不需扶持。民六十九年十一月道專曾陪侍先慈赴港。戰亂之餘，得與睽違四五十年之親戚見面，暢敘離情，樂何如之。七十一年二月六日，不慎於浴室跌斷股骨，家人茫然無主，不知所措，幸承摯友金公開英力勸，應即送醫剖治，刀圭備極痛楚，留醫匝月，始返寓所。全日延請專職看護人員，晝夜輪班照顧。僉以如此高齡

，將不復步履矣。惟先慈遵醫囑，努力練習復健，未及半載，竟能扶杖而行，不再需用輪椅。惟此後禮佛，不復跪拜，於每日午飯後，休息炊許，在佛龕前，端坐叩首，誦經約兩小時，習以為恆，從未間斷。去年春間，小便時有失禁，深以為苦。四月下旬因感冒而引發腎機能衰竭，留醫中心診所，沈疴難愈。先慈自知不起，強令返家，迭經名醫診治，不幸併發肺炎，六月六日凌晨，血壓漸降，呼吸急促，當即電召諸孫，自高雄、桃園等地趕來，延至當日下午二時許，分別抵達。先慈於環視兒孫後羽化，易篋時被褥整潔，神態安詳，嗚呼痛哉！

所有後事、壽衣等物，業於二十餘年前旅居高雄時，親為準備妥善，並以『人死如燈滅，人一世，物一世』為喻，臺灣地狹人稠，土葬佔用土地，遺囑『開弔開喪一切不做，一切禮金不受，于火化後厝於高雄隆峰禪寺』。親友等以先慈壽臻期頤，於發引之日，除鮮花聯幛外，并惠贈賻儀，道專以先慈生平最喜愛優秀好學青年，曾囑於身後私蓄捐贈國立交通大學作為獎學基金，道專哀毀逾恆之餘，恭憶先慈生前，每以道專未習土木工程為憾，爰順仰親心，將老人平日節儉所餘私蓄及賻儀等新台幣伍拾萬元，在母校設置『楊母李太夫人百齡紀念獎學金』以土木學系為優先，委託交大學術基金會保管，孳息獎助學子，以垂永念，俾竟先人之遺志。

楊母李太夫人每逢新春開筆所書福字



時年九十九歲